



UNIVERSITÄTS-
BIBLIOTHEK
PADERBORN

Paraenesis De Eleemosyna

Alardus <Aemstelredamus>

[Köln], 1545

VD16 A 1250

Partem sacrilegij esse rem pauperum dare, non pauperibus.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

D E E L E E M O S Y N A .

Et si spiritus, mensasq; subuertit mammonæ et num-
 mulariorum æra disper sit, ut domus dei domus uo-
 cetur orationis, & non latronum spelunca. Huius è
 uicino spectare uestigia, & cæterorum qui uirtutū
 illius similes sunt, quos sacerdotium & humiliō-
 res facit & pauperes. Ambrosius libro secundo of-
 ficiorum capi. 28. Aurum ecclesia habet, non ut ser-
 uet, sed ut eroget, & subueniat in necessitatib9. Quid
 opus custodire quod nihil adiuuat? An ignoramus
 quantum auri atque argenti de templo domini Af-
 sirij sustulerunt? Nōne melius conflat sacerdos pro-
 pter alimoniam pauperum, si alia subsidia defint,
 quàm sacrilegus cōtaminata asportet hostis? Nō-
 ne dicturus est dominus: Cur passus es tot inopes
 fame emori? Et certe habebas aurū, ut ministrasses
 alimoniā. Cur tot captiui deducti in infidelium com-
 mertiū sunt, nec redempti? Cur tot ab hoste occisi
 sunt? Melius fuerat, ut uasa uiuentium seruares q̄
 metallorum. His nō posset respōsum referri. Quid
 enim diceres? Timui ne templo dei ornatus dcesset.
 Responderet: Aurū sacramenta non quærunt, neq;
 auro placent, quæ auro non emuntur. Ornatus sa-
 cramentorum, redemptio captiuorum est. Et uere
 illa sunt uasa præciosa, quæ redimūt animas à mor-
 te. Ille uerus thesaurus est domini, qui operatur qđ
 sanguis operatus est.

*Partem sacrilegij esse rem pauperum dare, non pau-
 peribus.*

Hieronimus in epistola ad Pammachium sup
 obitum Paulinæ uxoris, Si uis perfectus esse,

DE ELEEMOSYNA.

Nō tibi imponit necessitas, ut uolūtas præmiū consequatur. Si uis ergo esse perfectus, & desideras esse quod prophetæ, quod apostoli, quod Christus est, uende, non partem substantiæ, ne timor pecunię infidelitatis occasio sit, & cū Anania & Sapphira peceas, sed uniuersa quæ possides. Cumq; uendideris, da pauperibus, non locupletibus, non superbis, da quo necessitas sustentet, non quo augeantur opes. Cumq; legeris illud Apostoli: Boni trutiranti os nō alligabis, & Dignus est operarius mercede sua. Et qui altario ministrat, de altario participantur. Memento quoq; huius sententię: Habentes uictum & uestitum, his contenti sumus. Vbi uideris fumare patinas, & phasides aues lentis uaporibus decoqui, ubi argenti pondus, ubi feruentes buricos mammas, comatulos pueros, p̄ciosas uestes, picta tapetia, ibi ditior est largitore cui largiendum est. Pars sacrilegij est, rem pauperum dare non pauperibus. Hieronymus in epist. ad Ephē. ca. 6. Legent episcopi atque presbyteri, qui filios suos secularibus literis erudiunt, & faciūt comœdias legere, & mimorum turpia scripta cantare, de ecclesiasticis forsitan sumptibus eruditos, & q̄ in carbonam pro peccato uirgo uel uidua, uel toram substantiā suam effundens, qui libet pauper obtulerat, hoc in calendariā strenam, & Saturnalitiam sportulam, & minerualæ munus grāmaticus & orator: aut in sumptus domesticos, aut in templi stipes, aut in sordida scorta conuertit. Bernardus ad Henricū Senonensem archiepiscopū, Quicquid p̄ter necessitatē uictū & simplicē uestitū de altari retines, tuū nō est, rapina est, sacrilegium

DE ELEMOSYNA.

est. Et rursus idē patrimonia sunt pauperū, facultates ecclesiarū, & sacrilega eis crudelitate subripit, quicquid sibi ministri & dispensatores, non utiq; dñi, uel possessores, ultra uictū recipiunt & uestitū. Beatus Bernardus in Psalmum, Qui habitat: Ipsa quoque ecclesiasticæ dignitatis officia in turpem quæstum, & tenebrarum negotium transiere, nec in his salus animarum, sed luxus quæritur diuitiarū. Propter hoc tondent, propter hoc frequentant ecclesias, Missas celebrant, Psalmos decantant, p̄ episcopatibus & archidiaconatibus impudenter hodie decertatur, ut ecclesiarum redditus, in superfluitatis & uanitatis usus dissipentur. Superest ut reueletur filius perditionis, dæmonium non modo diurnum, sed meridianum, quod non solum transfiguratur in angelum lucis, sed extollitur supra omne qd dicitur deus, aut quod colitur. Augustinus ad Bonifacium, Si priuatum possidemus quod nobis sufficiat, non illa nostra sunt, quorum procuracionem quodammodo gerimus, non proprietatē nobis usurpacione damnabili uindicemus. Hæc ille. Quemadmodum receptor quispiam q̄ regias pecunias accipit, si neglexerit his quibus iustus est distribuere, inq; proprias consumpserit delicias, pœnas dat ac perditur: Ita sane & diues receptor pecuniarum, quæ pauperibus distribui debebant. Itaque cum in mandatis habeat eas distribuere suis conseruis egenibus, si quid amplius quam postulet necessitas, in seipsum insumpserit, grauissimas de illis daturus est pœnas.

E quibus rebus fieri debet elemosyna.

DE ELEEMOSYNA.

Augustinus de uerbo domini in euangelio secundum Lucam, sermone 35. de eo quod scriptum est: Facite uobis amicos de mammona iniquitatis. Illorum quoque peruetustus licet, attamen hic coarguendus est error, quo persuadent sibi quidam de rapinis, & male quaesitis eleemosynas posse conferri deo longe acceptissimas.

Ne de rapinis & periurijs sceleribusque partis faciamus eleemosynam.

Hieronymus in Amos, capi. 5. Quod quidem non solum illius temporis hominibus, sed & nobis accidet si similia delinquamus, & de rapinis & periurijs, sceleribusque quaesita deo nos putemus offerre, & nostra peccata redimere, cum legeremus Zacheum quicquid rapuerat in quadruplum reddidisse, & de his quae bene quae fierat, media obtulisse substantiam. Neque enim quod male quae situm erat in dei donaria poterat offerre: nisi prius dominus suis redderet, & postea impleret, quod scriptum est: Honora dominum de iustis tuis laboribus. Et, Redemptio animae uiri propriae diuitiae, de mercede enim meretricis deus uota non suscipit.

Hierony. Comment. libro 16. in Esaiam capit. 58. Sed poterat fieri ut aliquis diceret: Non habeo debitores, quid facere debeo, ut suscipiatur ieiunium meum? Sequitur: Frange esurienti panem tuum. Non plures panes, ne de paupertate causeris, sed unum panem, nec ipsum totum, sed partem panis, quam si non ieiunares comesurus, ut ieiunium tuum non sit lucrum marsupij, sed saturitas animae. Pulchreque ad-

C